

Date – 09/07/2025

Time - 7:30 -7:40Hrs

AKASHVANI AIZAWL

REGIONAL NEWS BULLETIN

HEADLINES (MORNING)

1. Home Minister Pu K. Sapdanga'n Larsapin Council of Minister thu la lovin Chakma Autonomous District Council Governor Rule-ah a dah a ti.
2. Justice Pu Michael Zothankhuman nimin khan Cherhlun leh North Vanlaiphaiah Legal Aid Clinic a hawng.
3. Hmarchhaka luitui inkalpawhna leh tuipui lam kaihhnawih tihmasawn turin sawrkar laipui chuan cheng vaibelchhe sang nga chuang a hmang dawn tih Union Minister of Ports, Shipping & Waterways Sarbananda Sonowal chuan a sawi
4. Prime Minister Narendra Modia chuan sik leh sa chungchanga rorelna dik tak neih chu India chuan tih makmawhah a ngai tih BRICS Summit ah a sawi.



HOME MINISTER

Home Minister Pu K. Sapdanga'n tunhnaia Larsapin Chakma Autonomous District Council Governor Rule-a a dah chu Council of Minister ngaihndan a ni lo a, Democracy zahawmna tihmelhem thei ni hiala an hriat thu a sawi.

Nimina Secretariat Conference Hall, MINECO, Aizawla chanchinbumite a kawmnaah he thu hi sawiin Home Minister chuan nimina Chakma Autonomous District Council Governor rule hnuaia dah chungchangah mipuite tana thil ngaihsual palh theih a awma hriat avangin, thil awmdan sawifiah sorkarin tul a tih thu a sawi a. Chakma Autonomous District Council-ah hian elected member 20 awmin an zinga member 16 chuan tun hnaiah ZPM party an zawm a. Heng MDC 16 hian ZPM Legislature party insiamin, CADC sorkar an siam thei a ni tih Governor hnenah sawiin thla hmasa ni 18 khan an inlan a, hemi chungchangah hian Chief Minister Pu Lalduhoma pawhin Larsap hnenah, member 16 nei ZPM Legislature Party chu CADC-ah sorkar siamtir mai tha a tih thu a lo thlen tawh bawk a ni a ti.

Hetihlai hian Larsap chuan Council of Ministers ngaihndan ziaka thlen tura a phut angin Council of Ministers chuan lungrual takin sorkarna siam thei an awm chuan Council thiah chu tha a tih loh thu leh, member 16 nei ZPM MDC-te chu CADC-ah sorkarna siamtir mai turin, tun thla ni 5 khan Larsap hnenah ziakin an thlen a, heti chung hian Council of Ministers ngaihndan ni lo zawngin Larsap chuan thutlukna a siam leh ta tho si a ti.

Home Minister chuan he thil thleng hi vanduaithlak an tih tak zet thu leh, Democracy zahawmna tihmelhem thei ni hiala an hriat thu a sawi a. Hei vang hian Larsap in CADC a thiahna chu sut leh ni se tih chu Council of Minister ngaihndan a nih thu a sawi a ni.

Home Minister tawiawmtu District Council & Minority Affairs Minister Pu C. Lalsawivunga pawhin chanchinbumite zawhna chhangin Autonomous District Council -ah Anti Defection Law a awmloh avangin nihna inchuh avangin sorkar a nghelngheh theih loh thu a sawi

a. Hei hi Chief Minister pawhin a lo sawi tawh angin 125th Ammendment ah Anti Defection Law chu sorkarin an rawt ve thu a sawi a ni.

(CORR)

<><><>

CHIEF MINISTER

New Delhi-a cham mek Chief Minister Pu Lalduhoma chuan Union Home Minister Amit Shah chu a pisaah hmuin hmasawwna hrang hrang an sawi dun.

An inkawmnaah hian Handholding Scheme, Thenzawl Peace City leh project lian danga Mizoramin sum a mamawh te an sawi dun a. Home Minister chuan Parliament Session lo awm leh turah an ngaihtuah tur thu lo hrilhin; Union Finance Minister, Union Home Minister leh Chief Minister te nena sawi tlâng a, tihhlawhtlin dan kawng dap ni se, an ti a ni.

Union Home Minister hian The Mizoram (Maintenance of Household Registers) Bill 2019, President hnena la tang mek chu President pawmpuina hmuh a nih vat theihna tura a lo bawhzui tur thu te, AAI hnena Lengpui Airport hlan chungchang pawh Union Cabinet in an lo ngaihtuah tur thu alo hrilh a, Mizoramah helicopter lian zawk leh mi phur tam thei zawk dah tura Chief Minister ngenna chu a lo bawhzui tur thu leh Lengpui Airport a CISF duty te tihchangtlunna tur Police Modernisation Scheme hnuaia fund dilnate pawh enzui a lo tiam a ni.

Chief Minister hian Union Minister of State for Fisheries, Animal Husbandry and Dairying George Kurian pawh hmu in sangha khawi leh ranvulh kawnga hmasawwna tur Mizoramin project a thehluh hrang hrang te an sawidun a, Pradhan Mantri Matsya Sampada Yojana (PMMSY) hnuaia proposal panga Mizoramin a thehluh tawh chu a ranglama pawmpui tur leh sanction thuai turin a ngen a, Union Minister of State hian heng project te hi a lo enzui a, a lo bawhzui tur thu Chief Minister hi a lo hrilh a ni.

(Corr)

<><><>

SDG DISTRICT

NITI Ayog-in hmarchhak biala District Sustainable Development Goals (SDG) Index report (2023-24) thawhnhnihna a tihchhuahah Hnahthial district pakhatna a ni. District ti tha zual 10 zingah hian Mizoram atangin Champhai chu pahnihna niin Kolasib chu pakuana a ni bawk a. Mizoram, Sikkim leh Tripura te chuan hmahruaitu Front Runner Status an kai pha tawh a. Heng state pathumte hian Aspirant category awm district an nei tawh lo a ni. DSDG Index report ah hian Northeast Region-a district 121 dinhmun tarlan a ni.

(PIB)

<><><>

LEGAL AID CLINIC

Justice Pu Michael Zothankhuman nimin khan Cherhlun leh North Vanlaiphaiah Legal Aid Clinic a hawng a, Legal Aid Clinic chu mipuiten dan leh hrai kaihhnawiha harsatna an neih an thlenna tur a nih thu leh hman tangkai a pawimawh thu a sawi.

Legal Services Authority Executive Chairman ni bawk Justice Pu Michael Zothankhuma chuan Legal Aid Clinic chu mipui mimirin dan leh hrai kaihhnawih thurawn an lak theihna tur leh, harsatna leh mamawhna an neih apianga an pan theih tur, puih ngai mi tupawhin inthlahrung loa eng tik hunah pawh an pan thin tur a nih thu a sawi a. Khawtlang hruaitute chu tangkai taka an hmang thin turin a fuih bawk a ni.

Justice Michael Zothankhuma hian khaw pathum - Thingsai, Bualpui H leh Thiltlang ah te Legal Aid Clinic te hi a lo hawng tawh bawk a. Heng Clinic te hi Para Legal Volunteer ten an vil dawn a ni.

(DIPR)

<><><>

MGNREGS

Mahatma Gandhi National Rural Employment Guarantee Scheme (MGNREGS) hnuaiah tun sorkar kum tharah hna 5,758 thawh tan a ni tawh.

Nimina Rural Development & Administration Minister hoa State Employment Guarantee Council (SEGC) thutkhawm he thu hi tarlan a ni a. Thutkhawm kaihruaitu Rural Development Minister Prof. Lalnilawma chuan mipuite’n an chhawr tangkai ngei tur hna uluk zawka thlanchhuah leh thawh kawngah State level leh District level-a Convergence Committee-te’n thawhhona tha an neih a pawimawh zia a sawi a. Tunhnaia tlawh hlawh em em ‘Ngai tlang’ lawnna step chu MGNREGS hnuaia “Project Rotling” 15 thlan chhuah zingah telin, hemi project atang hian step chu siam a nih thu a sawi a. Minister chuan MGNREGS thawktute hmalakna leh Social Audit Unit-in Financial Year 2024-25 chhunga Mizoram chhunga khua 874-a hnathawhte an endik kim vek thei chu fakawm a tih thu a sawi bawk a ni.

VC

MGNREGS chungchang thlirhona meetingah hian sorkar kum kalmek 2025-26 atan hna 5,758 thawh tan tawh niin, chung zinga hna 3,326 chu thawh zawh tawh a nih thu tarlan a nia a. Job Card 2,13,197 pek chhuah tawh zingah Job Card nung 2,12,676 awmin, heng zingah hian hna thawk thei 2,13,444 an awm tih tarlan a ni bawk. Tunah hian Mission Amrit Sarovar Phase II kalpui mek niin, hmun 131 ah dil thar siam leh a awm sa siam that nan hmalak mek a ni a. Social Audit Report atangin MGNREGS hna thawh kawnga harsatna hrang hrang tawhte chinfel an nih thu tarlan a ni bawk.

(DIPR)

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Vawiin chawhnu dar 2 leh a chanve-ah Chanchinthar puan leh a ni ang.

<><><>

WEATHER

Indian Meteorological Department, Aizawl Director Pu Sudheer Kumar Dwivedi an Mizoramah khua a cheng zui dawn lo niin khawchin thlirlawknaah hmuh a ni a ti.

Akashvani zawhna chhangin Pu Sudheer Kumar Dwivedi chuan District zingah Aizawl, Kolasib, Saitual, Champhai leh Mamit-ah ruah a tam theih thu sawiin a bak zawngah chuan ruah a sur an beisei tho nain a tam vak loh hmeh a ti.

Pu Sudheer Kumar Dwivedi chuan Mipuite chhياتna thleng thei laka an him theih nan fimkhur turin a chah a, hetihruah hian ruah sur chu chhياتna liantham thlen lo tura an beisei thu a sawi.

(Corr)

<><><>

PM

Prime Minister Narendra Modia chuan India leh Brazil insumdawntawwna hlut zawng chu dollar tluklehdingawn 12.2 atangin tluklehdingawn 20-in kum nga chhunga tihpun tum anih thu a sawi. Nimin khan PM Modi hian Brazil President Luiz Inacio Lula da Silva kawmin ram pahnih inkar hi an sawidun a. Thuchhuah intawm an siamah Pu Modia chuan sumdawwna thawhdunna an lo siam tawh Mercosur preferential trade agreement chu ti lian a, India atanga thil thawhchhuahte tun aia tam zawka tihpun tum a ni a ti a. Brazil-ah hian Unified

Payments System (UPI) pawh India rama hman ang mila siam a ni dawn tih a puang bawk a ni.

Prime Minister Narendra Modia hi Brazil sawrkarin civil chawimawina a pek theih sang Grand Collar of the National Order of the Southern Cross hlan a ni bawk a. India leh Brazil inkara thawhdunna ti nghet tur leh inlaichinna tha siam tura a thawhhlawk em avangin he award hi Brazil President Lula Dasila chuan PM Modia hnenah hian a hlan a ni.

Brazila hun a hman zawh hian PM Modia hian tun tum a zinchhuahnaa ram panga a tlawh tur zingah a hnukung ber atan Namibia panin a thlawk chhuak lehngal a ni..

(Newsonair)

<><><>

NAGALAND FLOOD

Nagaland-a hmun hniam laite tuilianin a chim belh zel avangin mi tam tak hmun him lamah sawnchhuah an ni. Assam nena an inrina lai Dimapur district chhunga Lengrijan, Bor Lengri leh Riverbelt Colony te chu tuilian hian a chim nasa zual nia thudawn a nia . Chenna in leh kawngpui hmun tam tak tuiin a chim mek a ni. State Disaster Response Force te chuan tuilenna hmuna chengte hi hmun him lamah an sawnchhuak mek zel a. Dimapur khawchhung pawh tuiin a chim nasat avangin mipui nunphung pangngai a khaihlak nasa hle a ni.

(Newsonair)

<><><>